



Broj: 01-251/19
Vareš, 27.12. 2019. godine

Z A P I S N I K
sa 32. sjednice Općinskog vijeća Vareš,
održane 28.11. 2019. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić, Nikola Šimić i Fadila Turki.

Odsutni: Nema.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 32. sjednicu s početkom u 15,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik načelnika – gosp. Ermin Musa, rukovodilac JURA-e – gosp. Rusmir Berberović, ispred Službe za privredu, finansije i trezor – gosp. Stela Andrić i gosp. Boro Anđić, predsjednici političkih partija i predstavnici medija.

Tajnik OV Leon Pavlović izvijestio je Vijeće o odgovorima na postavljena vijećnička pitanja sa 31. sjednice OV održane 31.10.2019. godine i realizaciji Zaključaka. Na 31. sjednici donesena su dva (2) zaključka koja su u toku realizacije. Postavljena su četiri (4) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Vijećnica Fadila Turki obratila se Vijeću i zahvalila se Općinskom načelniku, Općinskom vijeću i građanima na pažnji koju je dobila u toku svog oporavka zbog zdravstvenih problema.

Općinski načelnik Zdravko Marošević za današnju sjednicu u svom obraćanju o aktualnim pitanjima izvijestio je Vijeće o redovnim aktivnostima i tehničkim pripremama za zimski period. Kroz vijećnička pitanja odgovorit će o aktualnim dešavanjima i stanju. U narednu godinu ulazimo sa određenim manjkavostima. Ispred Općinskog vijeća i u svoje ime uputio je podršku ohrabrenje građanima Albanije koja se bori sa posljedicama zemljotresa.

(Vijećnička pitanja)

Fadila Turki

1. Zamolila načelnika, ako postoji mogućnost, da zaduži nadležne službe da se u Varešu formira jedno ateističko groblje. (dala pojašnjenje).

Elvir Rožajac

2. Da li spomenik ispred Općine ima ikakvu saglasnost ili bilo kakvu dozvolu za njegovo postavljanje, da li će doći do njegovog konačnog uklanjanja?
3. Podsjetio je na pitanje vijećnika Mirnesa Ajanovića u vezi imovniško-pravnih odnosa porodice Imamagić. Oni traže da se formira komisija ispred službe koja će izaći na teren u što bržem periodu da utvrdi ovo činjenično stanje.

Kruno Ridić

4. Postoji li mogućnost da sa privrednicima sjednemo i vidimo da li im možemo pomoći.
5. Vezano za objekat „Partizan“ u Vareš Majdanu, ko čisti teren i šta se smjera sa njim?

Mirnes Ajanović

6. Podsjetio na pitanje/inicijativu vijećnice Safete Muftić u vezi trenutnog stanja u MZ Dragovići-Mijakovići da se posjeti ista . Može li se za vrijeme raspusta organizovati prevoz jednom sedmično MZ Dragovići do Vareša. (dao pojašnjenje).

Dženan Džafo

7. Da li će Općina Vareš pristupiti reviziji diploma. Ako neće koja su naša realna uporišta za neprovođenje istih. (dao pojašnjenje).

Branko Romić

8. Na osnovu izjave na prošloj sjednici, zamjenika predsjedavajućeg vijeća uputio pitanje da li mi imamo zamjenika predsjedavajućeg vijeća.

Đemo Kevrić

9. Postoji li ikakva mogućnost, da komisija od strane Općine izađe na lice mjesta zbog napuknuća i ulegnuća ceste na lokalnom putu MZ Striježevo (dao pojašnjenje).

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 31. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 31. sjednice OV i nakon izjašnjavanja vijećnika konstatira da je **jednoglasno sa (19 glasova „ZA“) usvojen Zapisnik sa 31. sjednice OV.**

Predsjedavajući OV stavio je na raspravu prijedlog dnevnog reda za 32. sjednicu OV koji je usuglašen na Kolegiju Općinskog vijeća.

Pomoćnik načelnika Ermin Musa ispred predlagača OV predložio je dopunu dnevnog reda sa točkom 6. „*Prijedlog Rješenja o prenosu prava vlasništva u korist Općine Vareš na nekretninama k.č. 573/1 Breško pašnjak k.o. Mir.*

Nije bilo rasprave i predsjedavajući OV stavio je na izjašnjavanje prijedlog dopune dnevnog reda 32. sjednice OV.

Nakon izjašnjavanja vijećnika predsjedavajući OV konstatira da je prijedlog za dopunu dnevnog reda **jednoglasno (sa 19 glasova „ZA“) prihvaćen.**

Predsjedavajući OV stavio je na izjašnjavanje prijedlog dnevnog reda 32. sjednice OV sa prihvaćenom dopunom i nakon izjašnjavanja vijećnika konstatira da je **jednoglasno sa (19 glasova „ZA“) usvojen sljedeći**

Dnevni red

1. Nacrt proračuna/budžeta Općine Vareš za 2020. godinu.
Izvjestilac: Općinski načelnik.
2. Nacrt Odluke o izvršenju proračuna/budžeta Općine Vareš za 2020. godinu.
Izvjestilac: Općinski načelnik.
3. Prijedlog Odluke o vrijednosti boda komunalne naknade za 2020. godinu.
Izvjestilac: Ermin Musa.
4. Prijedlog Odluke o proglašavanju statusa javnog dobra u općoj upotrebi.
Izvjestilac: Ermin Musa.
5. Prijedlog Rješenja o odbijanju zahtjeva Velepromet-Maloprodaja d.o.o Visoko u stečaju kojim bi se utvrdilo da su nekretnine k.č. 36/7 i 36/8 Kunosići – Vareš prestale biti dobra u općoj upotrebi.
Izvjestilac: Ermin Musa.
6. Prijedlog Rješenja o prenosu prava vlasništva u korist Općine Vareš na nekretninama k.č 573/1 Breško pašnjak k.o. Mir.
Izvjestilac: Ermin Musa.
7. Izvještaj o realizaciji Programa rekonstrukcije, izgradnje i obnove lokalnih cesta za 2019. godinu.
Izvjestilac: Ermin Musa.
8. Izvještaj o realizaciji Strategije razvoja lokalnih cesta i ulica u gradu i naseljima za period od 2011. do 2021. godine.
Izvjestilac: Ermin Musa.

9. Informacija o postignutom uspjehu u školskoj 2018/2019. godini u OŠ „Vareš“ , „Vareš Majdan“ i MSS „Nordbat-2“ Vareš.
Izvjestilac: Mersad Đido.
10. Informacija o stanju i održavanja nacionalnih i kulturno-historijskih spomenika i spomen-obilježja na području općine Vareš.
Izvjestilac: Mersad Đido.
11. Tekuća pitanja.

Ad. 1.

(Nacrt proračuna/budžeta Općine Vareš za 2020. godinu.)

Komisija za privredu, finansije i budžet na 18. sjednici održanoj 22.11.2019. godine jednoglasno je donijela Zaključak:

- Komisija prihvata Nacrt proračuna/budžeta Općine Vareš za 2020. godinu i upućuje ga Vijeću na razmatranje uz preporuku da se budžet donose u skladu sa Zakonom i preporukama Ureda za reviziju koje su navedene u Izvještaju o financijskoj reviziji Općine Vareš za 2018. godinu.

Općinski načelnik Zdravko Marošević u svom obraćanju podsjetio je Vijeće da će po Nacrtu budžeta biti sprovedena javna rasprava. Dostavljene prijedloge i amandmane na Nacrt budžeta nadležna Služba će razmotriti i prilikom izrade Prijedloga budžeta Općine Vareš za 2020. godinu, određene realne prijedloge uvrstiti u isti.

Otvorena je rasprava u kojoj su svoje stavove, mišljenja i pitanja iznijeli vijećnici: Kruno Ridić, Safeta Muftić, Adis Čizmo, Emir Islamović, Đemo Kevrić, Mirnes Ajanović, Branko Romić, Elvir Rožajac, Mario Mirčić i šef Odsjeka za računovodstvo i trezor Boro Anđić koji je dao dodatno pojašnjenje.

Općinski načelnik Zdravko Marošević izjavio je da su u Nacrtu budžeta po nekim stavkama automatizmom već ugrađene mjere štednje, a ispravke uputa Revizorskog tima su naša obaveza prilagođena koliko se to realno može u našim uvjetima. O istom je dao pojašnjenje.

Zaključena je rasprava i predsjedavajući OV stavio je na izjašnjavanje sljedeće

Zaključke:

- 1. Komisija prihvata Nacrt proračuna/budžeta Općine Vareš za 2020. godinu i upućuje ga Vijeću na razmatranje uz preporuku da se budžet donose u skladu sa Zakonom i preporukama Ureda za reviziju koje su navedene u Izvještaju o financijskoj reviziji Općine Vareš za 2018. godinu.**
- 2. Prihvata se Nacrt proračuna/budžeta Općine Vareš za 2020. godinu.**

Nacrt proračuna/ budžeta Općine Vareš za 2020. godinu iz tačke 1. ovog Zaključka upućuje se na javnu raspravu u trajanju od 15 dana.

Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.

Sastavni dio prijedloga bit će i Izvještaj o provedenoj raspravi.

Ovaj zaključak stupa na snagu danom donošenja.

Nakon izjašnjavanja vijećnika predsjedavajući OV konstatira da su sa **17 glasova „ZA“ i 2 „SUZDRŽANA“ glasa usvojeni predloženi Zaključci.**

Ad. 2.

(Nacrt Odluke o izvršenju proračuna/budžeta Općine Vareš za 2020. godinu.)

Komisija za privredu, finansije i budžet na 18. sjednici održanoj 22.11.2019. godine jednoglasno je donijela Zaključak:

- Komisija prihvata Nacrt Odluke o izvršenju proračuna/budžeta Općine Vareš za 2020. godinu i upućuje ga Vijeću na razmatranje uz preporuku da je u skladu sa članom 14. potrebno uvesti trezorsko poslovanje.
U članu 32. iza riječi „zemljište“ dodaje se riječ „(zaostale)“.

Ispred predlagača Boro Anđić upoznao je Vijeće sa dopunom člana 32. u Nacrtu Odluke i o istom dao pojašnjenje.

Otvorena je rasprava u kojoj su učestvovali vijećnik Đemo Kevrić i šef Odsjeka za računovodstvo i trezor Boro Anđić koji je dao pojašnjenje u vezi pitanja vijećnika koje se odnosi na član 13. Nacrta Odluke.

Zaključena je rasprava i predsjedavajući OV stavio je na izjašnjavanje sljedeće

Zaključke:

- 1. Komisija prihvata Nacrt Odluke o izvršenju proračuna/budžeta Općine Vareš za 2020. godinu i upućuje ga Vijeću na razmatranje uz preporuku da je u skladu sa članom 14. potrebno uvesti trezorsko poslovanje.
U članu 32. iza riječi „zemljište“ dodaje se riječ „(zaostale)“.**
- 2. Prihvata se Nacrt Odluke u izvršenju proračuna/ budžeta Općine Vareš za 2020. godinu.**

Nacrt Odluke o izvršenju proračuna/ budžeta Općine Vareš za 2020. godinu iz tačke 1. ovog Zaključka upućuje se na javnu raspravu u trajanju od 15 dana.

Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.

Sastavni dio Prijedloga bit će i Izvještaj o provedenoj raspravi.

Ovaj Zaključak stupa na snagu danom donošenja.

Nakon izjašnjavanja vijećnika predsjedavajući OV konstatira da su sa **18 glasova „ZA“ i 1 „SUZDRŽANIM“ glasom usvojeni predloženi Zaključci.**

Ad.3.

*(Prijedlog Odluke o vrijednosti
boda komunalne naknade za 2020. godinu.)*

Komisija za statutarna pitanja i propise na 21. sjednici održanoj 27.11. 2019. godine jednoglasno je donijela Zaključak:

- Komisija nema primjedbi na Prijedlog Odluke o vrijednosti boda komunalne naknade za 2020. godinu, te je upućuje Vijeću na razmatranje.

Otvorena je rasprava u kojoj je vijećnica Safeta Muftić iznijela stav Kluba SBB.

Zaključena je rasprava i predsjedavajući OV stavio je na izjašnjavanje Prijedlog Odluke o vrijednosti boda komunalne naknade za 2020. godinu.

Nakon izjašnjavanja vijećnika predsjedavajući OV konstatira da je **jednoglasno (sa 19 glasova „ZA“) usvojena**

Odluka o vrijednosti boda komunalne naknade za 2020. godine.

Ad.4.

(Prijedlog Odluke o proglašenju statusa javnog dobra u općoj upotrebi.)

Komisija za statutarna pitanja i propise na 21. sjednici održanoj 27.11. 2019. godine jednoglasno je donijela Zaključak:

- Komisija nema primjedbi na Prijedlog Odluke o proglašavanju statusa javnog dobra u općoj upotrebi, te je upućuje Vijeću na razmatranje.

Nije bilo rasprave po ovoj točki dnevnog reda i predsjedavajući OV stavio je na izjašnjavanje Prijedlog Odluke o proglašenju statusa javnog dobra u općoj upotrebi.

Nakon izjašnjavanja vijećnika predsjedavajući OV konstatira **da je jednoglasno (sa 19 glasova „ZA“) usvojena**

Odluka o proglašenju statusa javnog dobra u općoj upotrebi.

Ad.5.

(Prijedlog Rješenja o odbijanju zahtjeva Velepromet-Maloprodaja d.o.o. Visoko u stečaju kojim bi se utvrdilo da su nekretnine k.č. 36/7 i 36/8 Kunosići –Vareš prestale biti dobra u općoj upotrebi.)

Predlagač nije imao dodatno pojašnjenje za ovu tačku dnevnog reda.

U raspravi je učestvovala vijećnica Safeta Muftić sa pitanjem da li je zamjenik općinskog pravobranioca dao mišljenje na tačku 5. i tačku 6. i pomoćnik načelnika Ermin Musa koji je dao odgovor na postavljeno pitanje.

Zaključena je rasprava i predsjedavajući OV stavio je na izjašnjavanje Prijedlog Rješenja o odbijanju zahtjeva Velepromet-Maloprodaja d.o.o. Visoko u stečaju kojim bi se utvrdilo da su nekretnine k.č. 36/7 i 36/8 Kunosići-vareš prestale biti dobra u općoj upotrebi.

Nakon izjašnjavanja vijećnika predsjedavajući OV konstatira da je **sa 18 glasova „ZA“ i 1 „SUZDRŽANIM“ glasom usvojeno**

Rješenje o odbijanju zahtjeva Velepromet-Maloprodaja d.o.o. Visoko u stečaju kojim bi se utvrdilo da su nekretnine k.č. 36/7 i 36/8 Kunosići Vareš prestale biti dobra u općoj upotrebi.

Ad.6.

(Prijedlog Rješenja o prenosu prava vlasništva u korist Općine Vareš na nekretninama k.č. 573/1 Breško pašnjak k.o. Mir.)

Nije bilo rasprave po ovoj točki dnevnog reda i predsjedavajući OV stavio je na izjašnjavanje Prijedlog Rješenja o prenosu prava vlasništva u korist Općine Vareš na nekretninama k.č. 573/1 Breško pašnjak Mir.

Nakon izjašnjavanja vijećnika predsjedavajući OV konstatira da je **jednoglasno (sa 19 glasova „ZA“) usvojeno**

Rješenje o prenosu prava vlasništva u korist Općine Vareš na nekretninama k.č. 573/1 Breško pašnjak k.o. Mir)

Ad.7.

(Izveštaj o realizaciji Programa rekonstrukcije, izgradnje i obnove lokalnih cesta za 2019. godinu.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj točki dnevnog reda i predsjedavajući OV stavio je na izjašnjavanje Izveštaj o realizaciji Programa rekonstrukcije, izgradnje i obnove lokalnih cesta za 2019. godinu.

Nakon izjašnjavanja vijećnika predsjedavajući OV konstatira da je **sa 17 glasova „ZA“ i 2 „SUZDRŽANA“ glasa usvojen**

Izveštaj o realizaciji Programa rekonstrukcije, izgradnje i obnove lokalnih cesta za 2019. godinu.

Ad.8.

(Izveštaj o realizaciji Strategije razvoja lokalnih cesta i ulica u gradu i naseljima za period od 2011. do 2021. godine.)

Predlagáč nije imao dodatno pojašnjenje za ovu točku dnevnog reda.

Otvorena je rasprava u kojoj su svoja mišljenja, sugestije, primjedbe i pitanja iznijeli vijećnici: Kruno Riđić, *(Mirnes Ajanović tražio pauzu zbog odsustva Načelnika, pomoćnik načelnika Ermin Musa izvijestio je Vijeće da je Načelnik opravdano napustio sjednicu i da ga on mijenja)*, Elvir Rožajac, Adis Čizmo, Emir Islamović i Mario Mirčić.

Pomoćnik načelnika Ermin Musa dao je dodatno pojašnjenje na neke diskusije vijećnika i odgovorio na pitanje vijećnika Krune Riđić da se svake godine donosi Program utroška sredstava za izgradnju i rekonstrukciju cesta i podsjetio je na diskusiju vijećnika Emira Islamović u vezi izmjene člana 54. Zakona o šumama.

Zaključena je rasprava i predsjedavajući OV stavio je na izjašnjavanje Izveštaj o realizaciji Strategije razvoja lokalnih cesta i ulica u gradu i naseljima za period 2011. do 2021. godine.

Nakon izjašnjavanja vijećnika predsjedavajući OV konstatira da je sa **16 glasova „ZA“ i 2 „SUZDRŽANA“ glasa** (odsutan vijećnik Kenan Kamenjaš) **usvojen**

Izveštaj o realizaciji Strategije razvoja lokalnih cesta i ulica u gradu i naseljima za period od 2011. do 2021. godine.

Predsjedavajući OV dao je stanku u trajanju od 15 minuta.
Nastavljeno je sa radom sjednice.

Ad.9.

(Informacija o postignutom uspjehu u školskoj 2018/2019. godini u OŠ „Vareš“, „Vareš Majdan“ i MSS „Nordbat-2“ Vareš.)

Otvorena je rasprava u kojoj su učestvovali vijećnici: Kruno Riđić, Branko Romić, Elvir Rožajac, Đemo Kevrić i tajnik OV Leon Pavlović koji je dao odgovor na pitanje vijećnika Đeme Kevrić u vezi termina razmatranja ove tačke po Programu rada OV.

Zaključena je rasprava i predsjedavajući OV uz **Zaključak konstatira da je Vijeće primilo k znanju**

Informaciju o postignutom uspjehu u školskoj 2018/2019. godini u OŠ „Vareš“, „Vareš Majdan“ i MSS „Nordbat-2“ Vareš

Ad.10.

(Informacija o stanju i održavanju nacionalnih i kulturno-historijskih spomenika i spomen-obilježja na području općine Vareš.)

Otvorena je rasprava u kojoj su svoja mišljenja, pitanja i sugestije iznijeli vijećnici: Mirnes Ajanović, Kruno Riđić, Adis Čizmo, rukovodilac JURA-e Rusmir Berberović (dao odgovore na pitanja vijećnika u vezi obilježja spomen česme na Planinici i saradnje Općine u Francuskoj sa našom Općinom u vezi grada Bobovca) i Mario Mirčić.

Zaključena je rasprava i predsjedavajući OV uz **Zaključak konstatira da je Vijeće primilo k znanju**

Informaciju o stanju i održavanju nacionalnih i kulturno-historijskih spomenika i spomen-obilježja na području općine Vareš

Ad.11.

(Tekuća pitanja)

Predsjedavajući OV upoznao je prisutne sa pristiglom poštom:

1. Dopis za dostavu prijedloga za Program rada Skupštine Ze-do kantona za 2020. godinu OV za 2020. godinu, broj: 01-34-16430-2/19 od 06.11.2019. godine (informativno)
2. Obavijest Ministarstva za prostorno uređenje, promet i komunikacije i zaštitu okoline broj: 12-27-15787-1/19 od 31.10.2019. godine, na osnovu Zaključka OV a u vezi autobusne linije Vareš-Zenica.

U raspravi su učestvovali vijećnici: Mirnes Ajanović, Adis Čizmo, Mario Mirčić, Kenan Kamenjaš i Đemo Kevrić.

Nakon rasprave i na osnovu diskusije vijećnika i prijedloga iznesenih u raspravi predsjedavajući OV je zaključio da se

- **Ponovo uputi dopis Ministarstvu da registrirana autobusna linija prijevoznika Babić-Bisstours d.o.o. Zenica od Vareša do Zenice ne funkcioniše (nema je), i da u skladu sa svojim nadležnostima poduzmu sve mjere da se ova linija uspostavi odnosno da profunkcioniše (linija nije brisana iz registra) ili da na propisan način pokrenu postupak brisanja ovog prijevoznika, omogućavanja uz javni poziv drugom prijevozniku da registruje i održava autobusnu liniju po naprijed navedenom redu vožnje.**

3. Molba za rješenje spora oko korištenja i održavanja dijela puta Brezik-Alijino korito dostavljena od MZ Pržići 16.09.2019. godine.

Pomoćnik Načelnika Ermin Musa dao je pojašnjenje u vezi navedenog problema i eventualnog rješenja istog preko općinskog zamjenika pravobranioca u skladu sa Zakonom.

U raspravi su učestvovali: predsjedavajući OV Adis Čizmo (*sugerisao nadležnoj Službi da reaguje po ovom problemu u skladu sa diskusijama i Zakonom*) i vijećnici Mario Mirčić i Branko Romić.

4. Dopis-Prigovor na Izjašnjavanje Službe za prostorno uređenje broj: 100-289/2019 od 04.11.2019. godine dostavljen od Sean Tech Bosnia d.o.o. Vareš.

Pomoćnik načelnika Ermin Musa u svom obraćanju dao je pojašnjenje i izjavio je da je podnesena žalba na Rješenje Suda i da se čekaju rezultati te žalbe.

Predsjedavajući OV skrenuo je pažnju i podsjetio na Zaključak Vijeća sa prošle sjednice po kome je Vijeće zauzelo stav da se ne dozvoli ni po koju cijenu da se zauzme dio puta i time ugrozi poslovanje firme i da nadležna Služba izvijesti Vijeće o aktivnostima o ovome problemu.

5. Zahtjev za preispitivanje stava, broj: 05-25-10089-17/15 od 26.11.2019. godine dostavljen od Ministarstva za poljoprivredu, šumarstvo i vodoprivredu, a u vezi ne davanja suglasnosti Vijeća na stručne ocjene o mogućnosti odobravanja planirane promjene u prostoru, odnosno mogućnosti izgradnje MHE „Tribija“ na rijeci Tribija u općini Vareš.

Predsjedavajući OV je zaključio da Vijeće ne može imati stav po ovom pitanju, jer nije zasjedala ni jedna politička stranka po ovom pitanju (dopis dostavljen prije početka sjednice). U vezi toga predsjedavajući OV predložio je i stavio na izjašnjavanje sljedeći

Zaključak:

- **Zadužuju se predsjednici Klubova i stranke u OV, da pismeno ili usmeno na narednoj sjednici Kolegija OV dostave stav u vezi izgradnje MHE na rijeci Tribiji, odnosno ponovno uvrštavanje u dnevni red sjednice OV razmatranje Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje MHE „Tribija“ na rijeci Tribija u općini Vareš.**

Nakon izjašnjavanja vijećnika predsjedavajući OV konstatira da je **jednoglasno (sa 19 glasova „ZA“)** usvojen predloženi Zaključak.

Vijećnik Kruno Ridić skrenuo je pažnju na potrebu osiguranja prostorije za rad predsjedavajućeg OV.

Sastavni dio ovog Zapisnika je audio zapis sjednice.

Sjednica je završena u 18,25 sati.

TAJNIK

Leon Pavlović

ZAPISNIČAR

Azra Pijadžer

**PREDSJEDAVALAJUĆI
OPĆINSKOG VIJEĆA**

Adis Čizmo